



**Eskritoriu
Vise Prokurador Jeral
Ba Krimes Graves
Timor Leste**

INFORMASAUN IKUS LIU HUSI UNIDADE KRIMES GRAVES 28 Feveiru 2005

Eis Milisia Aitarak Na'in Rua Deskobre Halo Sala Husi Painel Espesiál

Iha loron 28 Feveiru 2005, Painel Espesiál ba Krimes Graves husi Tribunál Distritu Dili halo ninian desizaun finál iha kazu Vise Prokurador Jeral kontra Domingos Amati no Francisco Matos. Painel deskobre akuzadu nain rua ne'e hotu halo sala oho ema. Desizaun eskrita sei fo sai iha loron 4 Marsu 2005.

Painel Espesiál deskobre akuzadu na'in rua hotu halo sala oho ema hodi viola seksaun 8 husi Regulamentu UNTAET 2000/15 no artigu 338 husi Painel Kodigu Indonesia nian.

Unidade Krimes Graves akuza Domingos Amati no Francisco Matos iha loron 28 Feveiru 2003 ba oho António Pinto Soares, ema klandestina nebe fo apoiu ba movimentu independensia nian. Krime ida ne'e komete iha loron 5 Setembru 1999 iha Hera, sub-distritu Metinaro, distritu Dili.

Iha loron 4 Marsu 2005, Konsellu ba Akuzasaun no Defeza sei apresenta argumentu konaba sentensa no espera atu Painel Espesiál fo sai desizaun eskrita.